

Electronic Manipulus florum Project
www.manipulusflorum.com

Predicacio bf
cum editione moderna

Predicator non in uerborum splendore, sed in operum uirtute totam predicandi fiduciam ponat, non uocibus delectetur populi clamantis sed fletibus, nec plausum a populo studeat expectare sed gemitum.

Lacrimas quas uult a suis auditoribus fundi ipse primitus fundat, et sic eos compunctione sui cordis accendat.

Prosper ibidem [libro I. de uita contemplatiua].

Non igitur in uerborum splendore, sed in operum uirtute totam praedicandi fiduciam ponat; non uocibus delectetur populi acclamantis sibi, sed fletibus; nec plausum a populo studeat expectare, sed gemitum. Hoc specialiter doctor ecclesiasticus elaboret, quo fiant qui audiunt eum sanis disputationibus meliores, non uana assentatione fautores. Lacrymas quas uult a suis auditoribus fundi ipse primitus fundat, et sic eos compunctione sui cordis accendat.

Iulianus Pomerius, *De uita contemplatiua*, 1, 23 (PL 59, col.439A).